



საქართველოს შინაგან საქმეთა სამინისტრო

სატენდერო დოკუმენტაცია

საქართველოს შინაგან საქმეთა მინისტრის 2016 წლის 06 დეკემბრის N682 ბრძანების თანახმად

სხვადასხვა სახის საკვები პროდუქტების (სწრაფი მომზადების წვნიანი ლაფშა და მშრალი სუფი) სახელმწიფო შესყიდვის

ერთობლივი ელექტრონული ტენდერი

CPV-- 15800000

დაფინანსების წყარო - 2017 წლის სახელმწიფო ბიუჯეტი

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2. ელექტრონულ ტენდერთან დაკავშირებული დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია. ამასთან, ქართულენოვან ტექსტში უცხოენოვანი სიტყვების გამოყენების შემთხვევაში კომისია უფლებამოსილია იმსჯელოს აღნიშნული სიტყვების ტექნიკურ დოკუმენტაციასთან შესაბამისობის თაობაზე.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, მხოლოდ იმ პირობით თუ აღნიშნული არ აღემატება სისტემის შესაბამის ველში დაფიქსირებულ საბოლოო ფასს.

1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება.

1.8. ვინაიდან პრეტენდენტისათვის სატენდერო წინადადების წარმოდგენა დასაშვებია მხოლოდ ეროვნულ ვალუტაში - ლარში, ხელშეკრულება გაფორმდება ლარში. შესაბამისად, ხელშეკრულების უზრუნველყოფის გარანტია წარმოდგენილი უნდა იქნას ეროვნულ ვალუტაში - ლარში საბანკო (კომერციული ბანკი) ან **სადაზღვევო** დაწესებულებიდან. სააგენტო გარანტია წარმოდგენილი უნდა იყოს **მხოლოდ საბანკო** (კომერციული ბანკი) დაწესებულებიდან. უცხოური ბანკებიდან საბანკო გარანტიების წარმოდგენის შემთხვევაში მათთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიების საფუძველზე საქართველოში აკრედიტირებული საბანკო დაწესებულებების მიერ გაცემული „კონტრ გარანტიები“ (ლარში). საბანკო გარანტიები და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).

1.9. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა **გადასახადისა და ხარჯების** გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.10. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.11. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. ამასთან, სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, გულუას ქუჩა №8, მე-4 სართული. საკონტაქტო პირი: რატი მემანიშვილი 577 26-90-01; ინდირა გოგილავა 577 52-70-75; ნინო გეჭაძე 577 55-61-21; ტექნიკურ საკითხთან დაკავშირებით ცირა კრიჭინაშვილი 577 55-40-41, გელა ზდოროვცოვი 577 52-64-98

2. ტექნიკური დოკუმენტაცია:

2.1. შესყიდვის ობიექტის ტექნიკური დავალება:

#	საქონლის დასახელება და ტექნიკური პირობები	განზ	რაოდენობა		სულ
			შსს ლოჯისტიკის დეპარტამენტი	სსდ - საქართველოს სასაზღვრო პოლიცია	
1	სწრაფი მომზადების წვნიანი ლაფშა - ჭიქაში (საქონლის, ქათმის, სოკოს): წონა – 50 გრ–დან 100 გრ–მდე. პროდუქტი არ უნდა შეიცავდეს ადამიანის ორგანიზმისთვის საშიშ და აკრძალულ საკვებ დანამატებს. შენახვის ვადები მოწოდებიდან არანაკლებ 8 თვე. ყოველ მოწოდებულ პარტიას თან უნდა ახლდეს წარმოშობის და/ან ხარისხის შესაბამისობის სერტიფიკატი.	ცალი	15 000		15 000
2	მშრალი სუფი - თითოეული მოწოდებული პარტია უნდა იყოს მხოლოდ ბოსტნეულის ან ბურღულის და ბოსტნეულის ნახავი, დაფასოებული ქარხნული წესით. შესაბამისი მარკირებით. მითითებული უნდა იყოს დამზადების თარიღი, შენახვის ვადები და პირობები. ორგანოლექტიკური, ფიზიკო-ქიმიური, მიკრობიოლოგიური და სანიტარულ ჰიგიენური მაჩვენებლების მნიშვნელობა უნდა შეესაბამებოდეს საქართველოში არსებულ სტანდარტებს. არ უნდა შეიცავდეს ორგანიზმისთვის საშიშ და აკრძალულ საკვებ დანამატებს (ემულგატორებისა და კონსერვანტების სახით), მომზადებისთვის უნდა საჭიროებდეს მხოლოდ ცხელი წყლის დამატებას. ყოველ მოწოდებულ პარტიას თან უნდა ახლდეს შესაბამისობის დამადასტურებელი დოკუმენტი, ან ხარისხის სერტიფიკატი (სერტიფიკატი ქართულ ენაზე და/ან ნათარგმნი ნოტარიულად დამტკიცებული). მოწოდებული საქონლის შენახვის ვადა უნდა იყოს არანაკლებ საერთო ვადის 70%.	კგ.		6 700	6 700

შენიშვნა: წარმოდგენილი პროდუქცია უნდა შეესაბამებოდეს საქართველოში მოქმედ კანონმდებლობას, სტანდარტებს, სურსათის ეროვნული სააგენტოს მიერ დადგენილ ნორმებს და სანიტარულ-ჰიგიენურ წესებს. დაუშვებელია სახეობისთვის დამახასიათებელი დავადების არსებობა. საქონლის ტრანსპორტირება უნდა შეესაბამებოდეს საქართველოში მოქმედი კანონმდებლობით განსაზღვრულ ნორმებს.

3. შესყიდვის ობიექტის სავარაუდო ღირებულება:

3.1. შესყიდვის სავარაუდო ღირებულება შეადგენს: **55 200 (ორმოცდათხუთმეტიათას ორასი) ლარს.**

3.2. შესყიდვის ობიექტის თავისებურებიდან გამომდინარე, საქართველოს ბაზარზე ოპერირებად არაერთ კომპანიას შეუძლია შემსყიდველს კონკურენტუნარიან ფასში შესთავაზოს სატენდერო დოკუმენტაციით განსაზღვრული შესყიდვის ობიექტი. აღნიშნულის გათვალისწინებით, კონკურენციის გაზრდისა და ხელსაყრელი ფასის მიღების მიზნით, სახელმწიფო შესყიდვების საგენტოს თავჯდომარის 2011 წლის 07 აპრილის N9 ბრძანების მე-9 მუხლის 1¹ პუნქტის საფუძველზე, ფასწარმოქმნის ადეკვატურობის დამადასტურებელი დოკუმენტი წინამდებარე ტენდერში არმოითხოვება.

4. შესყიდვის ობიექტის მიწოდების ვადა და ადგილი:

4.1. მიწოდების ვადა: დანართი #1-ის შესაბამისად.

4.2. მიწოდების ადგილი: დანართი #1-ის შესაბამისად.

5. სატენდერო წინადადების ფასი:

5.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის

ობიექტის მიწოდებასთან დაკავშირებული ყველა გადასახადისა და ხარჯების გათვალისწინებით.

5.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

6. ანგარიშსწორების პირობები:

6.1. დაფინანსების წყარო - 2017 წლის სახელმწიფო ბიუჯეტი და BP-სთან გაფორმებული საერთაშორისო ხელშეკრულების საფუძველზე მიღებული გრანტი

6.2. უნაღდო - ანგარიშსწორების ფორმა - სტანდარტული.

6.2.1. შემსყიდველი იღებს ვალდებულებას აუნაზღაუროს მიმწოდებელს საქონლის ღირებულება ეტაპობრივად 2017 წლის 20 დეკემბრის ჩათვლით, ყოველი კონკრეტული საქონლის მიწოდებიდან კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან და მიღება ჩაბარების აქტის გაფორმებიდან 20 კალენდარულ დღეში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

6.3. უნაღდო - ანგარიშსწორების ფორმა - საავანსო.

6.3.1. შემსყიდველი იღებს ვალდებულებას აუნაზღაუროს მიმწოდებელს 2017 წლის 21 დეკემბრიდან 2018 წლის 31 იანვრის ჩათვლით ხელშეკრულებით დარჩენილი მოსაწოდებელი საქონლის რაოდენობის ღირებულება წინასწარ ავანსის სახით, რაზედაც მიმწოდებელმა არაუგვიანეს 2017 წლის 21 დეკემბრისა უნდა წარმოადგინოს შესაბამის თანხაზე საბანკო გარანტია. გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან, ეროვნულ ვალუტაში - ლარში, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

6.3.2. წინასწარი ანგარიშსწორება (ავანსი) შესაძლებელია გამოიყენებული იქნას, არაუმეტეს სახელშეკრულებო ღირებულების 40%-ის ოდენობით, მიმწოდებლის მიერ საბანკო დაწესებულების მიერ შესაბამის თანხაზე გაცემული უპირობო გამოუთხოვადი გარანტიის წარმოდგენის შემთხვევაში. გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან, ეროვნულ ვალუტაში - ლარში. საავანსო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას. შემსყიდველი ვალდებულია გადაუხადოს მიმწოდებელს ავანსი, მიმწოდებლის მიერ წარმოდგენილი შესაბამისი ოდენობის საავანსო თანხის საბანკო გარანტიის წარმოდგენიდან 20 (ოცი) დღის განმავლობაში. დარჩენილი ღირებულების გადახდა მოხდება ამ მუხლით განსაზღვრული პირობების შესაბამისად, ავანსად მიღებული თანხის სრულად გამოქვითვის შემდეგ.

6.4. შემსყიდველი იტოვებს უფლებას, ანგარიშსწორების ნებისმიერ ეტაპზე გადახდოს მოსაწოდებელი საქონლის ღირებულებას შემცირების თვალსაზრისით იმ შემთხვევაში, თუ ოფიციალური გაცვლითი კურსის მიხედვით დაფიქსირდება ეროვნული ვალუტის გამყარება აშშ დოლართან. სხვაობის შემცირების გამოთვლა მოხდება წინადადებების დასრულების დღეს არსებულ ოფიციალურ გაცვლით კურსთან მიმართებაში. იმ შემთხვევაში თუ დაფიქსირდება ოფიციალური გაცვლითი კურსის ცვლილება (გამყარება) 0,3%-ით ან მეტი ოდენობით, მხარეები განიხილავენ ფასის შემცირების საკითხს.

7. პრეტენდენტის მიერ ერთიან ელექტრონულ სისტემაში ასატვირთი მონაცემები:

7.1. ფასების ცხრილი დანართი N1-ის მიხედვით (მისაწოდებელი საქონლის წარმოშობის ქვეყნის, მწარმოებელი ფირმის და ტექნიკური მახასიათებლების მითითებით);

7.2. რეკვიზიტები დანართი N2-ის მიხედვით;

7.3. პრეტენდენტს უნდა გააჩნდეს სხვადასხვა ორგანიზაციაში 2015 წლის 1 იანვრიდან წინდამდებარე ტენდერის წინადადებების მიღების დასრულებამდე პერიოდში ადამიანისთვის საკვებად საჭირო სხვადასხვა სახის საკვები პროდუქტების მიწოდების არანაკლებ 25 000 ლარის ღირებულების გამოცდილება და უნდა წარმოადგინოს ერთიანი ელექტრონული სისტემის საშუალებით აღნიშნული პროდუქციის მიწოდების დამადასტურებელი დოკუმენტ(ებ)ი (ხელშეკრულებები შესაბამისი მიღება-ჩაბარების აქტ(ებ)ით ან/და საგადასახადო ანგარიშ ფაქტურებით ან/და სასაქონლო ზედნაღებებით).

8. სავალდებულო პირობა მიმწოდებლისთვის:

8.1. ინსპექტირების მიზნით, ხელშეკრულების გაფორმებიდან 5 (ხუთი) სამუშაო დღის ვადაში მიმწოდებელი ვალდებულია წარუდგინოს შემსყიდველი ორგანიზაციის ინსპექტირების ჯგუფს მისაწოდებელი საქონლის ეგზემპლართან ერთად სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან საქართველოში სხვა აკრედიტაციის მქონე ლაბორატორიის დასკვნის დედანი, რომელშიც მითითებული იქნება ინფორმაცია შემოთავაზებული პროდუქტის ტექნიკურ პირობებთან შესაბამისობის შესახებ, ასევე ხარისხის ან შესაბამისობის დამადასტურებელი სერტიფიკატი.

8.2. ინსპექტირების მიზნით წარმოდგენილი ეგზემპლარის ან/და სერტიფიკატის ან/და ექსპერტიზის დასკვნის წარმოდგენლობის ან/და მათი ხელშეკრულებით გათვალისწინებული მოთხოვნებთან შეუსაბამობის შემთხვევაში შემსყიდველი ორგანიზაცია უფლებამოსილია მხოლოდ ერთხელ, განუსაზღვროს მიმწოდებელს დამატებითი, გონივრული ვადა (წერილობითი შეტყობინებიდან არაუმეტეს **5 (ხუთი) სამუშაო დღე**) არსებული ხარვეზის აღმოსაფხვრელად ან/და ახალი ექსპერტიზის დასკვნის წარმოსადგენად ან/და სერტიფიკატის წარმოსადგენად, რისთვისაც დანახარჯების გაწევა ევალება მიმწოდებელს. აღნიშნული ვადის გადახედვა შესაძლებელია მხოლოდ, მიმწოდებლისგან დამოუკიდებელი, ობიექტური მიზეზის დადგომის შემთხვევაში, რაც უნდა დადასტურდეს ფაქტობრივი მტკიცებულებით (დოკუმენტალური დადასტურება).

9. დამატებითი ინფორმაცია:

9.1. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

ფასების ცხრილი

დანართი N1

#	საქონლის დასახელება (საქონლის წარმოშობის ქვეყნის, მწარმოებლისა და ტექნიკური მახასიათებლების მითითებით)	განზ	რაოდენობა		სულ	ერთ. ფასი (ლარი)	საერთო ღირებულება (ლარი)	მიწოდების გრაფიკი და მიწოდების ვადა		მიწოდების ადგილი	
			შსს ლოჯისტიკის დეპარტამენტი	სსდ - საქართველოს სასაზღვრო პოლიცია				შსს ლოჯისტიკის დეპარტამენტი - ხელშ. გაფორ. 2018 წლის 31 იანვრის ჩათვლით მოთხოვნის მიხედვით	სსდ - საქართველოს სასაზღვრო პოლიცია - ხელშ. გაფორ. 2018 წლის 31 იანვრის ჩათვლით მოთხოვნის მიხედვით	შსს ლოჯისტიკის დეპარტამენტი	სსდ - საქართველოს სასაზღვრო პოლიცია
1	სწრაფი მომზადების წვნიანი ლაფშა	ცალი	15 000		15 000			წელიწადში ოთხჯერ მოთხოვნის შესაბამისად (შემსყიდველთან წინასწარ შეთახმებული გრაფიკის შესაბამისად)		ქ.თბილისი, ქიზიყის ქ. #5	
2	მშრალი სუფი	კგ.		6 700	6 700				2017 წლის იანვრიდან მოთხოვნიდან 7 კალენდარულ დღეში პირველ ეტაპზე 2400კგ. შემდეგი მოწოდება 3 თვეში ერთხელ (შემსყიდველთან წინასწარ შეთახმებული გრაფიკის შესაბამისად)		ქ.თბილისი, ქიზიყის ქ. #1

შენიშვნა: პრეტენდენტის მიერ დაზუსტებულ ფასების ცხრილში დაფიქსირებული პროდუქციის ერთეულის ფასი არ უნდა აღემატებოდეს მის მიერ თავდაპირველად, სატენდერო წინადადების ფასების ცხრილში დაფიქსირებულ ერთეულის ფასს

პრეტენდენტის ხელმოწერა და ბეჭედი -----

დანართი N2

პრეტენდენტის იურიდიული ფირმის დასახელება;

ხელმძღვანელის სახელი და გვარი;

პრეტენდენტის იურიდიული ან/და ფაქტიური მისამართი;

საიდენტიფიკაციო კოდი;

ბანკის კოდი;

ანგარიშის ნომერი;

პრეტენდენტის ტელეფონის ნომერი;

ელექტრონული მისამართი;

24 საათის განმავლობაში ჩართული ერთი მობილური ტელეფონის ნომერი და ერთი ქალაქის ტელეფონი, რომელზეც განხორციელებული დაკვეთა ითვლება ოფიციალურ დაკვეთად.

ელექტრონული ფოსტის მისამართი, საკონტაქტო პირ(ებ)ის მითითებით, რომელზეც გაგზავნილი დაკვეთა ითვლება ოფიციალურ დაკვეთად.

პრეტენდენტის ხელმოწერა და ბეჭედი